



Avannaata
Kommunia

Avannaata Kommuniani taxat atorlugit inunnik angallassisarneq pillugu ileqqoreqqusaq

Indhold

Kapitali 1. Taxat atorlugit inunnik angallassisarneq	3
Kapitali 2. Qitiusumik inniminniisarfiit	3
Kapitali 3. Biiliutillit.....	4
Kapitali 4. Biilnik aquttoq.....	4
Kapitali 5. Taxat angallassissutit	5
Kapitali 6. Angallanneqarnermut akiliuteqartarneq.....	5
Kapitali 7. Pineqaatissiinerit	5
Kapitali 8. Akit.....	6
Kapitali 9. Atuutilerfia il.il.	6

Kapitali 1. Taxat atorlugit inunnik angallassisarneq

§1 Taxat atorlugit inunnik angallassisinaanermut akuersissut kommunalbestyrelsimit nalunaarutigineqartarpoq.

Kapitali 2. Qitiusumik inniminniisarfiit

§2 Qitiusumik inniminniisarfeqarnermi siunertaavoq angallatassat sukkaasumik pitsaasumillu sullinneqartarnerisa pitsaanerusunnigortinnissaa.

§3 Qitiusumik inniminniisarfiit tamatigit kommunalbestyrelsimit akuerineqarsimassapput.

§4 Qitiusumik inniminniisarfimmut minnerpaamik taxat qulit atassuteqassapput, illoqarfik nunaqarfilluunniit ikinnerusunik taxanut akuersissuteqartoqanngippat.

Imm. 2, piffinni minnerusuni angallassisinaanermut akuersissutalik nammineerluni mobilikkut atuisunut attaveqarsinnaavoq. Attaveqarnissamut normu tamanut ammasumut Tusass-imi, Paasiniaavikkut aammalu piffimmi allagarsiivikkut ersissalluni.

§5 Qitiusumik inniminniisarfiit ukioq kaajallallugu ullut tamaasa ulloq unnuarlu angallatikkumallutik sianertut sullittassavaat.

Imm. 2, Qitiusumik inniminniisarfik ulloq unnuarlu ammasarunnaarnissaminik qinnuteqarsinnaavoq. Qitiusumik inniminniisarfiup inissisimaffia, angallallugit sullitassatigit tunngavissai sullissisinnaassusialu ilaatigit aallaavigalugit aalajangliisoqarsinnaavoq. Immikkut akuersissut utertinneqarsinnaavoq qaammat ataaseq sioqqullugu kalerriinikkut.

§6 Taxat atorlugit inunnik angallassisinaanermut akuersissummik piginnittoq pisussaavoq qitiusumik inniminniisarfimmik ataatsimoorfiusumik pilersitsissalluni imaluunniit pioreersumut ilanngutissalluni. Ilangussimanermut uppernarsaat taxarsinnaanermut akuersissutip tigneraniik ullut arfineq marluk qaangiutsinnagit.

Imm. 2, Taxat atorlugit inunnik angallassisinaanermut akuersissummik piginnittoq kinaluunniit qitiusumik inniminniisarfiup pigaartuunissamik aqqissuussaanut peqataassaaq. Aqqissuussaq atuisunut naleqqussagaassaaq. Pigaartuunissamut aqqissuussaq Teknikkeqarfimmiit akuerineqassaaq, ukiullu qaangiutilernerani ukiumut ataasiarluni akuerineqartassalluni.

Imm. 3, Piffinni minnerusuni atuisunut naleqqussakkamik pigaartuunissamut aqqissuussaqassaaq, Teknikkeqarfimmiillu akuerineqassallutik.

Imm. 4, Pigaartuunissamut piffissaliussat tuniniaqqusaanngillat aquttunut allanut.

Imm. 5, Teknikkeqarfik pigaartuunissamut aqqissuussanut nakkutillisuussaaq, aqqissuussaq malinneqanngippat kapitali 7-mi ileqqoreqqusat malinneqassapput.

Imm. 6, Qitiusumik inniminniisarfinnut arlariinnut ataatsikkoortillugit atassuteqarnissaq inerteqqutaavoq.

§7 Qitiusumik inniminniisarfiit pisussaaffigaat, taxanik inunnik angallassisinaanermut akuersissutillit inniminniisarfimmut atassusissallugit. Qitiusumik inniminniisarfik inniminniisarfiup pilersinneranut aningaasartuutaanullu matussusiisussamik akileeqqusisinnaavoq. Taxartitsineq aallarteqqusaanngilaq inniminniisarfimmut atassusersimannikkaanni, naleqq. §4 imm. 1 imaluunniit mobilimut atassusersimannikkaanni, naleqq. §4 imm. 2.

§8 Taxat atorlugit inunnik angallassinerit pillugit paasisutissat tamaasa angallassineq pillugu atuagaaqqamut kommunalbestyrelsimit atortussanngorlugu akuerisaasumut biiliutilimmit nalunaarsorneqartassapput.

§9 Qitiusumik inniminniisarfiup nittartakkamini allatigullu pilersaaruteqarluni saqqummiussamini nalunaassavaa qimminik uumasuutinillu allanik angallassisinnaaneq neqeroorutaanersoq

taamaaliorsinnaanermullu piumasaqaatit suut tunngaviunersut, tassunga ilanngullugu sullitap qitiusumik inniminniisarfimmut paasissutissiisussaaitanera.

Imm. 2, Qitiusumik inniminniisarfiup nittartakkamini allatigullu pilerisaaruteqarluni saqqummiussamini taxat atorlugit angallassinermi akigititaasut nalunaassavai.

Imm. 3, Qitiusumik inniminniisarfiup nittartakkamini allatigullu pilerisaaruteqarluni saqqummiussamini akigititaasunik qaffaanissaq ilimasaarutigissavaa qaffaatit atuutilerfissaat qaammatinik pingasunik sioqqullugu.

Kapitali 3. Biiliutillit

§10 Biiliutillip isumagissavaa taxat kortit akiliutaasartut atorlugit akiliisarfeqqartinnissaat kortinik nalinginnaanerpaanik tiguisinnaasumik. Akuersissummilli piginnittoq pinngitsoorani Akiliut Dankortilu atorlugit akiliiniartunik tiguisinnaasariaqarpoq.

Imm. 2, Biiliutillip isumagissavaa uppernarsaatinik tunniussinissamut atortut pisariaqartut taxani piginissaat.

§11 Biiliutillip angallassissutaatini nakkutigissavai isumagissallugulu inatsisitigut piumasaqaataasut eqqortinnissaat naammassineqarsinnaalersinnagu angallassissutigineqannginnissaat.

§12 biiliutillip nakkutigissavaa, taxartussa quttutut allagartaqarnersoq.

Kapitali 4. Biilnik aquttoq

§13 Kommunalbestyrelsi aquttutut allagartamik akuersissuteqassaaq taxat atorlugit inunnik angallassisinnaanermut akuersissummik piginniittuunermut uppernarsaatit atomeqartussamik.

Imm. 2, Taxat atorlugit inunnik angallassisinnaatitaanermut piumasaqaataavoq aquttutut allagartamik atorsinnaasumik pissarsisimanissaq. Aquttutut allagartaq akuersissutigineqarsinnaanngilaq qinnuteqartup inuussutissarsiutigalugu biilersinnaanermut allagartaata atorunnaarfissaa qaangerlugu sivilisinerusumik.

Imm. 3, Aquttup sulinermini aquttutut allagartani nassartassavaa, allagartarlu taxat iluanni sullitami takuneqarsinnaasumut inissinneqassaaq.

§14 Angallanneq pillugu inatsisitigut maleruaqqusat aquttup unioqqutinnagit malissavai.

§15 Aquttup pisussaaffigaa nassatat il. il. isumannaatsumik inissinnissaat qulakkiissallugu.

§16 Aquttoq tamatigut pisinnaatitaavoq qimmit uumasuutillu allat ilaatinnissaat itigartitsissutigissallugu ersarissumik takussutissaqarpat taxat mingutserlugillunniit innarlerneqarsinnaasut.

§17 Aquttup sulinerminik ingerlassitilluni paasiguniuk taxat inatsisitigut piumasaqaataasunik eqqortitsinngitsut, taava piaarnerpaamik angallassitutigineri unitsissavaa. Aquttup isumagissavaa taamaaliornerninut peqquataasoq biiliutilimmut nalunaarutigissallugu.

§18 Mobilikkut oqaluussiinerit, raatiukkut allakaatitsinerit, nipilersornerit assigisaallu sullitap kipitinnegarnissaat kissatigippagu aquttup kipitissavai. Qitiusumillu innimiinniisarfimmut attaveqarnerit kipitinnissaat sullitap piumasaqaatigisinnaanngilaa.

§19 Aquttup isumagissavaa taxat inunnik qassinik ilaasoqarsinnaaneranik akuerisaanera malillugu ilaasoqartarnissaq.

§20 Inuit taxanik mingutsitsisinnaasut inuillu nalunangivissumik aalakoortut angallanneqamissaminnik piumasaqaateqarsinnaapput aatsaat tamanna inuunerat peqqissusiallu eqqarsaatigalugu pisariaqarpat.

§21 Taxat ingerlaarnerini sullitap aquttullu akornanni aaqqiagiinngittoqalissappat aquttup angallassinini aatsaat unitsissinnaava tamanna sullitap inuuneranik peqqissusianillu navianartorsioritsinngippat.

§22 Angallanneqarnissamik inniminiinerit aquttup ingerlaannartumik naammassiniartassavai. Inniminniineq tiguneqareerpat aquttoq allanik angallassissanngilaq angallanneqarnissamik inniminniisoq ornitassaanut anngutereersinnagu.

§23 Pigisat ilaasorisanit taxami qimanneqarsimasut aquttup peqquteqanngitsumik uninngatinnagit politii nut tunniuttasavai.

§24 Angallassinerup nalaani ilaasoq ajoqusissagaluarp at pigisaasaluunniit arlaat innarlerneqassagaluarp at aquttup biiliutilik qanoq pisoqarsimaneranik ajutoornerullu annertussusianik ilisimatissavaa.

Kapitali 5. Taxat angallassissutit

§25 Kommunalbestyrelse angallassineq pillugu atuagaaqqamik tunniussissaaq atortussanngortitaminik, taannalu taxat ataasiakkaat kaaviiartitaannik nalunaarsuiffittut ator neqassaaq.

§26 Angallassilluni sulinerup nalaani taxani tamani taxat atorlugit inunnik angallassisarneq pillugu ileqqoreqqusat atuuttuusut, taxaatiieqatigiit akigitaat aammalu taxap angallassineq pillugu atuagaaraa pigineqassapput.

§27 Taxat ilui silataallu ingerlaavartumik ipiitsuutin neqassapput.

Imm. 2, Taxat ilui silataalu ajoqusersimatillugit piaarnerpaamik iluarsanneqartassapput..

§28 Taxani pujortarneq inertequtaavoq.

Kapitali 6. Angallanneqarnermut akiliuteqartarneq

§29 Angallanneqarneq naammassippat taksameterimi akiligassatut ersitsut malilugit sullitap aquttumut akiliissaaq.

Imm. 2, Angallanneqarnermi akiliiner mut uppersaat piumasaqaatigineqarpat aquttoq pisusaavoq akiliisimaner mut uppersaammik tunniussissalluni.

Imm. 3, Angallassineq aallartitsinnagu aquttoq siumut akiliinissamik piumasaqarsinnaatitaavoq.

§30 Taxat ajoquteqalernerat, taksameterip akornuteqalerner a allamilluunniit ilaasumut attuumassuteqanngitsumik peqquteqartumik angallanneqarneq naammassineqanngitsoorpat aquttorlu taxamik allamik ilaasorisamut immikkut aningaasartuutaanngitsumik angallasiumasumik pissarsisimappat aquttoq akilerneqassaaq akit tunngaviumik aallartiffiat ilanngunnagu angallanneqarfiata killiffianut. Sullitap taxap allap takkunnissaa utaqqerusunngippagu aquttup piumasarisinnaavaa taksame-teri malillugu akiliinissaa.

Kapitali 7. Pineqaatissiinerit

§31 Ileqqoreqqusami malittarisassanik unioqqutitsisoqartillugu kommunalbestyrelse allaganngorlugi mianersoqqussummik tunniussissaaq. Mianersoqqussuteqarluni aalajangerneq kingorna qaammatit pingasut iluini ileqqoreqqusaq unioqquteqqinneqarpat kommunalbestyrelsip akuersissut qaammammi ataatsimi arsaarinnissutigisinnaavaa. Arsaarinnikkallarnissamik aalajangiinerup kingorna piffissami qaammatit pingasut iluini unioqqutitsinerit uteqqinneqarpata aammalu sullitap isumannaatsumik sullinneqarnissaat pissutsit qularnartoqartippasuk, kommunalbestyrelsip akuersissut arsaarinnissutigisinnaavaa.

Kapitali 8. Akit

§32 Taxaatillit peqatigiiffiannit innersuussinerit tunngavigalugit angallassinerup allartinnerani akit nutaat kommunalbestyrelsemit akuerineqartassapput. Angallassinerup aallartinnerani akit Qaasuitsup Kommuniani assigiissapput. Angallassinerup aallartinnerani akinik aaqqiissuteqarnissaq tulleeq siusinnerpaamik pisinnaavoq ileqqoreqqusap matuma akuersissutigineqarneraniit ukiut pingasut qaangiuppata.

Kapitali 9. Atuutilerfia il.il.

§33 Ileqqoreqqusaaq una atuutilerpoq ulloq **X. december 2021**. Ilutigitillugu Avannaata kommuniata killeqarfiisa iluanni kommunit X. december sioqqullugu taxat atorlugit inunnik angallassisarneq pillugu ileqqoreqqusassatut atuutsilersimasaat atorunnaarsinneqarput.

Taamaalilluni Avannaata Kommuniani kommunalbestyrelsemit akuersissutigineqarpoq ulloq **x. måned 2021**.

Avannaata Kommunia

Ulloq / - 2021

Palle Jeremiassen
Borgmester

Ulloq / - 2021

Nick Nielsen
Kommunaldirektør